

Temeljem članka 16. stavka 4. Zakona o Vladi Zeničko-dobojskog kantona- pročišćeni tekst ("Službene novine Zeničko-dobojskog kantona", broj 7/10), na prijedlog Ministarstva za pravosuđe i upravu, Vlada Zeničko-dobojskog kantona, na 39. sjednici, održanoj dana 14.01.2016. godine, d o n o s i

ZAKLJUČAK

I.

Prihvata se Stajalište Ministarstva za pravosuđe i upravu po Inicijativi Senada Trake zastupnika u Skupštini Zeničko-dobojskog kantona za donošenje Zakona o plaćama i naknadama u organima vlasti Zeničko-dobojskog kantona.

II.

Zaključak sa Stajalištem Ministarstva za pravosuđe i upravu, broj: 06/02-02-19875-3/15 od 15.12.2015. godine, upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____/16.

Datum, 14.01.2016. godine

Zenica

PREMIJER

Miralem Galijašević

DOSTAVLJENO:

1x Ministarstvo za pravosuđe i upravu,

1x Stručna služba Skupštine,

1x a/a.

O B R A Z L O Ž E N J E

Pravni osnov za donošenje predloženog zaključka sadržan je u odredbi članka 16. stavka 4. Zakona o Vladi Zeničko-dobojskog kantona („Službene novine Zeničko-dobojskog kantona“, broj: 7/10-pročišćeni tekst).

Razlog donošenja: Aktima broj: 01-02-19875-1/15 od 6.11.2015. godine, Skupština Zeničko-dobojskog kantona uputila je Vladi Kantona radi zauzimanja stajališta inicijativu zastupnika Senada Trake za donošenje Zakona o plaćma i naknadama u organima vlasti Zeničko-dobojskog kantona u smislu da se predložena inicijativa smatra urgentnom „zbog uklapanja u plan Budžeta za 2016. godinu“.

U postuku ocjene predmetne inicijative Ministarstvo je imalo u vidu Nacrt Program rada Ministarstva za 2016. godinu i Nacrt Programa rada Vlade Zeničko-dobojskog kantona za 2016. godinu. Uzimajući u obzir pomenute programe, dostvaljeno je stajalište koje je sastavni dio Prijedloga zaključka, te predlažemo njegovo donošenje.

Finansijska sredstva za realiziranje ovog zaključka nisu potrebna.



Broj: 01-02-19875-1/15
Zenica, 06.11.2015. godine

- VLADA ZENIČKO-DOBOJSKOG KANTONA, n/r sekretara
- ZAKONODAVNO-PRAVNA KOMISIJA SKUPŠTINE, n/r
predsjedavajućeg


**PREDMET: Inicijativa za donošenje Zakona o plaćama i naknadama u organima vlasti
Zeničko-dobojskog kantona-dostavlja se,**

Senad Trako, poslanik u Skupštini Zeničko-dobojskog kantona, podnio je na službeni fax Skupštine Zeničko-dobojskog kantona 06.11.2015. godine **Inicijativu za donošenje Zakona o plaćama i naknadama u organima vlasti Zeničko-dobojskog kantona.**

Shodno članu 112. stav 1. Poslovnika Skupštine Zeničko-dobojskog kantona – Novi prečišćeni tekst („Službene novine Zeničko-dobojskog kantona“, broj: 7/12 i 12/13,) u prilogu vam dostavljamo na mišljenje predmetnu inicijativu o kojoj ste se dužni izjasniti u roku od 30 dana, radi daljeg postupanja Skupštine po istoj u skladu s Poslovnikom Skupštine.

S poštovanjem!

Prilog: kao u tekstu


SEKRETAR
Ibrahim Avdagić

Dostavljeno:

1x Naslovu

1x Ministarstvu za pravosuđe i upravu ZDK-na znanje

1x Poslasticima Skupštine ZDK / 05-03

1x U predmet – „R“/03

05-01/06.11.15
05-03/06.11.15. 69

SKUPŠTINA ZENIČKO-DOBOJSKOG KANTONA			
Primljeno:		06-11-2015	
Org. jed.	Broj	Prij. un	Vrijednost
01-02-	19875/15		

INICIJATIVA

Pokrećem inicijativu za donošenje **Zakona o plaćama i naknadama u organima vlasti Zeničko-dobojskog kantona.**


OBRAZLOŽENJE

Zakon o plaćama i naknadama u organima vlasti Zeničko-dobojskog kantona nikada nije donesen, iako je to bila obaveza u roku od 6 mjeseci poslije donošenja Federalnog zakona. Obzirom da smo mi jedini kanton koji nije donio ovaj zakon pitamo se zašto Vlada isti svojim zaključkom broj : 02-34-18927/15 od 16.10.2015.godine ponovo briše iz svog Programa rada za 2015.godinu.

Stoga ovu inicijativu smatramo urgentnom i molimo rukovodstvo Skupštine da već za sljedeću sjednicu pripremi ovu inicijativu zbog uklapanja u plan budžeta za 2016.godinu.

Poslanik u Skupštini ZDK

Senad Trako





Broj: 06/02 -02- 19875-3/15
Zenica, 15.12.2015. godine

Vlada Zeničko-dobojskog kantona uputila je Ministarstvu za pravosuđe i upravu inicijativu zastupnika Senada Trake za donošenje Zakona o plaćama u organima vlasti Zeničko-dobojskog kantona, koji je Skupština Zeničko-dobojskog kantona, aktom, broj: 01-02-19875-1/15 od 6.11.2015. godine, uputila Vladi Kantona a radi davanja stajališta povodom pokrenute inicijative. U tom smislu Ministarstvo za pravosuđe i upravu daje slijedeće

STAJALIŠTE

Podnesena inicijativa podrazumjeva donošenje Zakona o plaćama u organima vlasti Zeničko-dobojskog kantona u smislu da se ista smatra urgentnom „*zbog uklapanja u plan Budžeta za 2016. godinu*“.

Nacrtom Programa rada Vlade Zeničko-dobojskog kantona za 2016. godinu, utvrđenim Zaključkom Vlade Kantona, broj:02-34-21831/15 od 10.12.2015. godine, u dijelu Normativno - pravni poslovi - oblast pravosuđa i uprave, predviđeno je donošenje Zakona o plaćama i naknadama u organima vlasti Zeničko-dobojskog kantona, nositelj izrade je Ministarstvo za pravosuđe i upravu Zeničko-dobojskog kantona, predlagač Vlada Zeničko-dobojskog kantona a donositelj akta Skupština Zeničko-dobojskog kantona.

Pravni osnov za donošenje Zakona o plaćama u organima vlasti Zeničko-dobojskog kantona je Zakon o plaćama i naknadama u organima vlasti Federacije Bosne i Hercegovine (“Službene novine FBiH”, broj: 45/10 i 111/12). Razlozi za donošenje su sadržani u potrebi usklađivanja sa Zakonom o plaćama i naknadama u organima vlasti Federacije Bosne i Hercegovine i nastojanju da se za iste ili slične poslove isplaćuje ista plaća na prostoru cijele Federacije Bosne i Hercegovine, te da se jednim propisom regulira obračun plaća za ista ili slična radna mjesta kao i obračun naknada, a ne da kao sada obračun plaća i naknada bude reguliran podzakonskim aktom. Postupak donošenja predmetnog zakona je redovna procedura, tako što Vlada Zeničko-dobojskog kantona na prijedlog Ministarstva za pravosuđe i upravu Zeničko-dobojskog kantona utvrđuje Nacrt i Prijedlog za donošenje Zakona i upućuje ga u skupštinsku proceduru. Planirani rok razmatranja na sjednici Vlade Kantona je za Nacrt: oktobar, a za Prijedlog: novembar.

Ministarstvo za pravosuđe i upravu je o prednjem obavijestilo i Stručnu službu Skupštine, aktom broj:06/02-02-19875-2/15 od 1.12.2015. godine.

Imajući u vidu naprijed navedeno a iz razloga da će se na ovaj način usaglasiti Zakon o plaćama u organima vlasti Zeničko-dobojskog kantona sa Zakonom o plaćama i naknadama u organima vlasti Federacije Bosne i Hercegovine (“Službene novine FBiH”, broj: 45/10 i 111/12), , smatramo da predložene inicijative ima uporište u postojećem zakonodavnom sustavu.